

ამჟამად ამგვარი პირობის გარეშე

85 180
173

საქართველოს საგარეო
აფხაზთა 287 179

საქართველოს საგარეო
აფხაზთა 287 179

საქართველოს საგარეო
აფხაზთა 179

დასაქმებულია 13
16.01.2025

13.

და მძიმე დანაკლისის მიუხედავად წინ მიიწვედნენ საბჭოეთის შუაგულისაკენ, მოსკოვისაკენ.

რიგითი ჯარისკაცი, სამხედრო სასწავლებლის კურსანტი, მეთაუროფიცერი — აი, მოკლე ნუსხა იმ საბრძოლო გზისა, რომელიც განვლო ჩვენმა მეგობარმა ოთარ ქაჯაიამ იმ ქარიშხლიან წლებში. ვორონეისა და კალინინის ფრონტებზე ბრძოლის შემდეგ, ვალმოხდილი დაუბრუნდა მშობლიურ ქერას, ხოლო გამოჯანმრთელების შემდეგ პედაგოგის პირველი ნაბიჯები გადადგა მეზობელი სოფლის საშუალო სკოლაში.

შემდეგ, კვლავ მშობლიური უნივერსიტეტი. ისევ საყვარელი ლექტორების, საქვეყნოდ ცნობილი მეცნიერების — ა. შანიძის, გ. ახვლედიანის, არნ. ჩიქობავას, ვ. თოფურის, კ. კეკელიძის, ს. ყაუხჩიშვილისა და სხვათა საინტერესო ლექციები. მათ ხომ ბევრ ნიჭიერსა და სწავლამოწყურებულ ახალგაზრდას დაულოცეს მეცნიერების მწვერვალებისაკენ მიმავალი ბილიკი, ასწავლეს არჩეული სპეციალობის სიყვარული.

ნიჭიერსა და შრომისმოყვარე შეგირდს იმთავითვე მიაქციეს ყურადღება აღმზრდელმა პედაგოგებმა და აი, 1948-1951 წლებში ოთარ ქაჯაია უნივერსიტეტის ძველი ქართული ენის კათედრის ასპირანტია, რომელსაც წვრთნის ქართული ენათმეცნიერების ბერძენი, თბილისის უნივერსიტეტის ერთ-ერთი ფუძემდებელი ბატონი აკაკი შანიძე.

ისევ უძილო ღამეები, წიგნთან ჭიდილში თეთრად გათენებული, სამეცნიერო ექსპედიციები, სესიები, კონფერენციები და შედეგმაც აღარ დაიგვიანა. 1954 წელს ოთარ ქაჯაია ფილოლოგიის მეცნიერებათა კანდიდატი გახდა, მხარში ამოუდგა თავის მასწავლებლებს.

წლების განმავლობაში ო. ქაჯაია ხელმძღვანელობდა ქართული ენისა და ლიტერატურის კათედრას სამხრეთ-ოსეთის სახელმწიფო პედაგოგიურ ინსტიტუტში, სადაც დღეს ამ საპატიო მისიის შესრულებას განაგრძობენ მისი კოლეგები და ყოფილი სტუდენტები.

ამასწინათ ჩვენთან მოეწყო რეს-

ჯარისკაცი, პედაგოგი, მეცნიერი



ტის პროექტორია და ხელმძღვანელობს ისეთ რთულ უბანს, როგორცაა სასწავლო დარგი.

დღეს ჩვენი ინსტიტუტი დამსახურებულად ითვლება რესპუბლიკის პედაგოგიურ უმაღლეს სასწავლებელთა ფლაგმანად, რომლის კოლექტივმა უკვე მერამდენე წელია, რაც ზედბურღ-ვაიმარჯვა სოციალისტურ შეჯობრებაში და მოიპოვა საქართველოს კომპარტიის ცენტრალური კომიტეტის, რესპუბლიკის მინისტრთა

ლიანი, რასდენადაც საგნის არცოდნას არავის აპატიებს. იგი მუდამ მზადაა დაეხმაროს სწავლამოწყურებულ ახალგაზრდას, ყველაფერს გააკეთებს, ოღონდ მისმა შევირდმა ცოდნა შეიძინოს.

ო. ქაჯაიას მეცნიერული მოღვაწეობის სფერო ძირითადად განისაზღვრება ძველი ქართულის, დიალექტოლოგიისა და ლექსიკოლოგიის საკვანძო საკითხების კვლევით. მან დიდი წვლილი შეიტანა მოხეური დიალექტის შესწავლაში. ამ საკითხს მიეძღვნა მისი მშვენიერი მონოგრაფია („მოხეური კილო“, 1954 წ.). მისი შრომების რაოდენობა ოთხ ათეულს აღემატება. სამეცნიერო სესიებსა და კონფერენციებზე ო. ქაჯაია არაერთხელ გამოსულა საინტერესო მოხსენებებით, რომელთა მნიშვნელოვანი ნაწილი დაბეჭდილია. იგი ძალზე ფრთხილი და ფაქიზი გემოვნების მკვლევარია, რომელიც დიდ მოთხოვნებს უყენებს საკუთარ თავსაც. განსაკუთრებით აღსანიშნავია ო. ქაჯაიას მიერ მოპოვებული და გაანალიზებული ლექსიკური მასალა კოლხური ენისა, რომლის შესახებ მონოგრაფიას ჩვენ ახლო მომავალში ვიხილავთ.

კომუნისტი ოთარ ქაჯაია საზოგადოება „ცოდნის“ საინსტიტუტო საბჭოს პრეზიდიუმის თავმჯდომარეა, ქართული ენის, ქართული ენისა და ლიტერატურის მეთოდოლოგიათა სპეციალიზებული საბჭოს თავმჯდომარე და ყოველნაირად ხელს უწყობს ახალგაზრდა მეცნიერთა კადრების მომზადების ძალზე საპატიო საქმეს.

ზედმიწვევით პრინციპული, თავმდაბალი, გულლია, სიმართლის პიროში მთქმელი — აი, როგორ ვიცნობთ ოთარ ქაჯაიას მისი ამხანაგები და მეგობრები.

მოვლენათა მსვლელობაში დროთითქოსდა შეუმჩნევლად გადის. ჩვენს მეგობარს ამ დღეებში შეუსრულდა სამოცი წელი და მეშვიდე ათეულის აღმართს შეუდგა.

ვუსურვოთ ძვირფას კოლეგასა და მეგობარს მზებრძელობა, ჯანმრთელი და ბედნიერი სიცოცხლე, ახალ-ახალი წარმატებანი სამეცნიერო და პედაგოგიური მოღვაწეობის სფეროში.

პროფ. ალ. ლლონძი,
პროფ. ბ. კაპარაძე.

**ყურადღება —
გამოცდა!**

**ВНИМАНИЕ—
СЕССИЯ!**

ყოველწლიურად რეკავს ჩვენს ინსტიტუტში „ბოლო ზარი“. ყოველ წელს იციან აღმზრდელმა პედაგოგ-მასწავლებლებმა, რომ კიდევ ერთ დაფრთიანებულ თაობას, ახალბედს პედაგოგებს უნდა დაულოცონ გზა და ზურგის ქარი უსურვონ ცხოვრების უკიდვანო ოკეანეში, იციან, მაგრამ მაინც ვერ შეეჩვივნენ, რადგან არც ისე ადვილია შეეჩვიო განშორებას.

არადა, რა მალე გასულა ეს ოთხი წელი! მართლაც ჩიტივით გაფრენილა და უტკბილეს მოგონებად უქცევია სტუდენტური წლები. უკანასკნელი ბარიერი დარჩა ვადასახლახი, მის მიღმა კი სულ სხვაგვარი ცხოვრება იწყება — უამრავი საზრუნავით, უდიდესი მიზნებით და ოცნებებით აღსავსე, თითქოს ათასობის წარმოსახული, მაგრამ მაინც ბურუსით მოცული და იღუმალი...

ეს ყველაფერი სულ მალე იქნება: ორიოდე კვირაში დაემშვიდობებიან მშობლიურ ინსტიტუტს და აღმზრდელ პედაგოგებს, დაემშვიდობებიან, რათა ახალ და ახალ თაობათა ცხოვრების მესაჭედ იქცნენ და რუდუნებით შეუდგნენ მათი ფაქისი სულის გამოჩარხვა-გაშალა-შინებას. დღეს კი, სახელმწიფო გამოცდებზე, კიდევ ერთხელ, ამჯერად უკვე საბოლოოდ აბარებენ ანგარიშს პროფესორ-მასწავლებლებს იმაზე, თუ რამდენად გაისივრძეგანეს მომავალი სპეციალობის უდიდესი პასუხისმგებლობა, რამდენად ღრმად დაეუფლნენ იმ საგანს, რომელიც დღეს-ხვალ ნორჩ თაობებს უნდა ასწავლონ და რამდენად მზად არიან ატარონ მასწავლებლის მძიმე, მაგრამ საპატიო ტვირთი.

ამჯერად საგამოცდო მაგიდებს ფილოლოგები უსხდნენ, ქართული ფილოლოგიის ფაკულტეტის დამამთავრებელი კურსის სტუდენტები. ისინი სახელმწიფო გამოცდას აბარებდნენ სპეციალობაში საგნის ლე-

ქტორებს: ქართული ენის კათედრის გამგეს პროფ. ალ. ლლონტს, ქართული ფილოლოგიის ფაკულტეტის დეკანს დოც. ჭ. თევზაძეს, ქართული ლიტერატურის ისტორიის კათედრის გამგეს დოც. ზ. ბოცვაძეს. სახელმწიფო საგამოცდო კომისიის თავმჯდომარედ მოწვეული იყო თბილისის სახელმწიფო უნივერსიტეტის ქართული ენისა და ლიტერატურის სწავლების მეთოდოლოგთა კათედრის გამგე პროფ. აკ. თოფურია.

დაიწყო გამოცდა. ლელავდნენ გოგონები, თუმცა საბოლოო ჯამში კარგად პასუხობდნენ ბილეთში მოცემულ საკითხებს, წინადადებასაც არჩეიდნენ. მაგრამ... ეს არ იყო ამომწურავი, საკუთარ ცოდნაში დარწმუნებულ სტუდენტთა პა-

**ერთი გამოცდის
მოკლე ისტორია**

სუხები, როგორც უნდა იყოს სახელმწიფო გამოცდაზე. და აი, საგამოცდო მაგიდას წინო გიგუაშვილი მიუახლოვდა. ფონეტიკური მეტათეზისი, ბგერის დაკარგვა, — სხარტად იწყებს გოგონა პასუხს, ამომწურავად, სიღრმისეულად პასუხობს კომისიის წევრთა შეკითხვებს, შესანიშნავად არჩევს რთულ წინადადებას და დამსახურებულ ხუთიანს იმსახურებს. ასეთივე და-


მაჯერებელი და ლოგიკური მეტყველებით გამოირჩეოდა მარინე ჯანიკაშვილის და ნანა ზახაძის პასუხებიც. საერთო მოწონება დაიმსახურა ნუნუ თათანაშვილის პასუხმაც. მან ისე ამომწურავად ისაუბრა თანდებულზე, დაახასიათა ნანახი და უნახავი აქტის ფორმები, ისე სიღრმისეულად გაარჩია რთული წინადადება, რომ ხუთიანთან ერთად გამოცდელთა შექებაც დაიმსახურა.

ერთმანეთს ცვლიდნენ გოგონები საგამოცდო მაგიდასთან, ერთმანეთის მიყოლებით იწერებოდა ხუთები და ოთხები. 10 ხუთიანი, 10 ოთხიანი, ასეთია გამოცდის საბოლოო შედეგი.

ბუნებრივია, საწყენი და გულდასაწყვეტია ამ ფონზე რამდენიმე სამიანი. განსაკუთრებით განიცდიდა თანაკურსელთა წარუმატებლობას ჯგუფი, რომელიც ყოველთვის მაღალი აკადემიური მოსწრებით გამოირჩეოდა. რად ღირს თუნდაც ის ფაქტი, რომ ჰყავთ ორი სახელობითი სტიპენდიანტი — მარინე დგებუაძე — ლენინის სახელობის სტიპენდიანტი და ნუნუ გაბუნია — გ. ახვლედიანის სახელობის სტიპენდიანტი. ცალკე აღნიშვნის ღირსია ამ გოგონების მიერ დაკული სადიპლომო ნამუშევრები. პროფ. ზ. სარჯველაძის ხელმძღვანელობით მათ ისეთ მაღალ დონეზე დაამუშავეს სადიპლომო შრომები, რომ არა მარტო ხუთები, არამედ რეცენზენტთა მაღალი შეფასებაც დაიმსახურეს.

ამრიგად, პირველი სიმალღე დაძლეულია. გამოცდები გრძელდება. წარმატებები ვუსურვოთ გოგონებს და მწვანე შექნიშანი დიდ გზაზე გასვლის წინ.

მ. გეგევიკორი.



სახელმწიფო გამოცდაზე. **დ. სალარეიშვილის ფოტო**

„საგზაო“ 1983, 9/ს. № 21
 ყუშკარის მხარის თბილისის (მეცნიერ-საგან-
 კითხი ინსტიტუტის) ოხჯანი